

28644

紀遠東運動會

高 勞


民國四年五月十五日。遠東運動會開第二次大會於上海。與會者為中國及日本與菲律賓。其成績以中國所得分數為最多。吾國精弱之餘。得此優勝。亦足差強人意。此會發起於民國元年。（一千九百十二年）時萬國運動會方開第五次大會於瑞典。遠東人士。因屬於遠東範圍內之諸國。既無特出之運動家。又不能於萬國運動會占一位置。特發起是會。提倡遊藝運動。其宗旨在激發各地之體育精神。發達個人與社會之體育。改良本範圍內之運動事業。其地域暫分為五區。（甲）中國。（乙）日本及其附庸。（丙）菲律賓。（丁）馬尼拉半島。（戊）暹羅。組織既定。乃於民國二年開第一次大會於馬尼拉。中國赴會者四十人。其結果菲律賓人最占勝利。中國次之。當時中國代表。邀請各國運動員。定期民國三年十月。在上海舉行第二次大會。業經日本與菲律賓羣島贊成。並舉伍廷芳博士為會長。嗣以歐戰方亟不果。至本年始克舉行。

遠東運動會之組織。乃模仿萬國運動會之制。即西人所稱為奧林庇亞（厄靈辟克）運動者（Olympic games）是也。其名稱發源於希臘。蓋當希臘古代。其西部奧林庇亞地方。有神廟焉。為希臘人所崇奉。每隔四年之首夏。舉行大祭禮一次。大祭禮之前後一個月中。希臘列邦。禁止爭戰。各就其國選出行誼端


正技藝優長者若干人。且以純粹之希臘人為限。競技於奧林庇亞廟以娛神。兼為遊戲運動。而旁及音樂詩劇諸藝。競技優勝而受賞。則受賞者及其選出之本國。引為無上之光榮。此競技之舉。起於何時。殊難確指。而見諸記載。則始於紀元前七百七十六年。至紀元前五百四十年以後。更為優勝者立有像於技場附近及其選出之地方。希臘人復用奧林庇亞為紀年之單位。四年為一期。在此期間。即以前度競技優勝者之名。加諸其上。以為稱號。足見奧林庇亞之舉。固已深印於希人之腦中。且與會者既以希人為限。不容外人參加。復足令希人互相親愛。互為聯合。而成為有力之機關。是則奧林庇亞者。初意雖在娛神。然其作用則固足以增進體育。且促起其同仇禦侮之心者也。紀元後三百九十四年。為羅馬帖柯多削大帝所禁。遂爾中輟。願其事雖禁。其名仍在。至一千八百五十八年。又復舉行。惟儀式已有更改。與曩昔不同。迨一千八百九十四年。法國柯白丁男爵。欲倡行萬國運動。乃與英人罕盤脫。美人史羅恩。集議於巴黎。取希臘遺制而擴大之。仍沿用奧林庇亞之名。且仍每隔四年舉行一次之舊。會議既定。旋得各國多數之贊成。乃於一八九六年。舉行第一次大會於希臘之雅典古城。嗣後繼續舉行於法國之巴黎。美國之聖路易。英國之倫敦。瑞典之司篤亨。

舉行於瑞典者。爲第五次大會。其第六次大會。則將於一九一六年(明年)舉行於德國柏林。遠東運動會。即第五次大會時所發起者也。


遠東運動會。既根源於萬國運動會。故西人亦以奧林庇亞稱



高跳之項大十



走競碼十二百二



賽比之水游里英一

年會給獎。除運動團所給之金牌銀牌銅牌外。袁大總統及各團體私人。均有餽贈。萬國運動會。先期有電來申。謂當贈送獎品與成績最優之國。且承認遠東運動會爲其東方之支部。將來萬國運動會總幹事部。中國得派遣代表參預會議。下次萬國運

28645
之。惟開會期僅隔兩年。與奧林庇亞異。本屆大會在上海之寶山路北外國公園附近地方舉行。自五月十五日起。至二十二日。除去中間星期。共開七日。運動員共二百四十名。中國占一百五十餘名。運動項目凡三十餘種。運動之結果。中國得九十三分。菲律賓得七十三分。日本得三十二分。即於二十二晚在青

動大會之時。中國亦得派運動家前往預賽云。又本屆開會期間。會員競技之外。各國旅滬運動家。咸參加而爲種種之運動。吾國人亦與於其列。中國童子軍。復到會場演技。而檀香山華僑與美國海軍。比試足球。華僑竟占優勝。是亦可紀之事也。